

《山海吟稿》

高雄偏鄉行旅九詠

蛇年三月，天朗氣清，與三五文會佳友，驅車同遊高雄偏鄉，飽覽旗山、美濃、寶來、茂林美景，風光人情咸各有致。彼此談笑論詩，二日倏忽，使人忘返。因作數詩以記，聊暢敘幽情。

之一：

糖廠小憩 行入市郊，至旗山糖廠小憩。捧各式冰品於舊廠區，與林間清風徐步。驚見鴛鴦林下振羽闊步，莫不詫異。見一童持長葉拉扯與之，樂甚；遂效之，留影為念。古列車於今棄廢園中，兀自遙思；攀臨其上，往日風華徒領一二。

鴛鴦園前意興升，火車頭上恣攀登；悠悠懷舊第一味，紅豆香飄牛奶冰。

之二：

遊旗山老街 站前舊街午餐各式名產，眾人樂於小吃集點活動，古屋牌樓間，處處香蕉，一路歡鬧。旗山古驛老街行，美食戳章一紙盈。斑駁山頭談笑過，蕉心蕉思亦蕉情。

之三：

旗山生活文化園區學堂咖啡館中作 旗山舊國小，今建文化園區，教室中展舊文物種種，咖啡館入駐其中，木窗新綴紗幃，課桌上啜飲，懷思往事，頗是一番滋味。

蕃薯寮中小學堂，悠悠石拱柳池塘；桌前書韻今安在？都入咖啡郁郁香。

之四：

環美濃中正湖 午後散步中正湖，一路芳華盛開，春耕正宜時，見地上碑書「高市中心」方知也。夕映湖波草木深，偕風漫步市中心；農夫陌頭耕犁處，白鷺低飛恣意臨。

之五：

客家文物館喜見花布作 湖畔客家文物館中一隅，斜日入窗扉，照見古老縫紉機，思花布傳說吟作。日暮窗前古紉機，五華仙子舊裁衣；遍摘染得芳華色，更織深情入指微。

之六：

朝來獨步溫泉館前作 山中夜幾無燈，迷途良久，幸終抵溫泉鄉。晨輝中喜見周遭景致，大異夜裡境況，獨持相機四處獵奇。

晨起推扉步小園，天雲泉水共法云；樓前恣覽青山色，不記迷驚昨夜魂。

之七：

道旁問路偶成座上賓 停車問前路，亭中所見，青峰連疊，下窺溪谷，風光無限。眾人各攜瓜果飲食聚此中，原不相識，亦邀我等飽餐同歡。至此方知「天下沒有白吃之午餐」一言，謬甚。

喜樂亭中喜結緣，俯臨山水仰觀天；烹茶煮食閒談話，隨意人間聚散筵。

之八：

過多納吊橋 繩橋長跨河谷，山光水色應流連。奈何行至橋中，只見足底鐵板鏽蝕，道狹晃劇，而竟有一機車呼嘯在後，更令眾聲大叫。

百尺繩橋丘壑懸，凌空也擬作飛仙；板磨更有機車迫，步步驚心步步顛。

之九：

美雅谷瀑布尋幽 前時風災，高縣美景多所漫滅，聞人道美雅谷新見瀑布，堪一遊，遂往之。不想見後大異原來所想，徒一小流耳。然下匯清潭，戲耍其中，坐聞泉音，猶足令消暑忘憂。

飛瀑聞說探覓新，挂岩只見一條巾。小潭碧澈浮清磬，盈手猶堪慰遠人。

研究室望海

午來捧卷坐窗台，零雨初晴斂翳開；遠近漁歌金浪上，波光更入小房來。

彈箏懷遠

當風銀甲急，帶卻拂絃輕。悄把臨窗意，幽傳柱下聲。

西子灣海堤閒吟

漫漫長堤海上橫，興來日午自登行。前期鱗介竿竿影，後待霞陽對對情。灣外礁花潮浪湧，港中幔息靜波平。人間界處紆徐過，偃臥眠風聽海聲。

山中寄寓

長日宿蝸廬，幽棲自卷舒。鳴蟬來客枕，轉鳥響山居。甚雨飛研墨，斜陽照捧書。臨窗吟風月，不樂復何如？

年節關仔嶺行

新春舉家遊，遍尋古刹芳。何嘗信鬼怪？今來神佛鄉。驅車登高嶺，山迴在晨光。崁頂櫻初紅，同源水火昌。拜禱碧雲寺，跪祈仙公堂。暮鐘晚燈上，清齋祝馨香。惟願父母健，日月相伴長。

上元攜遊

遠朋扶桑來，相偕愛河邊。佳節值元宵，燈市兩岸沿。謎猜文虎上，綵競小龍年。處處提紗籠，螢柳歌管絃。光橋映流水，夜華輝畫船。煙花開正好，仰首爛漫天。願祈新歲始，一湯沸渾圓。地北天南事，談笑不應眠。來日分袂後，相思在月前。